

影印

文淵閣四庫全書

第八八三冊

北京出版集團公司
北京出版社

本冊目次

玉芝堂談薈

明 徐應秋撰……………一

欽定四庫全書

子部
玉芝堂談薈卷一

詳校官典籍臣潘奕雋

員外郎臣牛稔文覆勘

總校官進士臣繆琪

校對官典籍臣劉景岳

謄錄監生臣徐敦

欽定四庫全書

子部十

玉芝堂談薈

雜家類五
雜纂之屬

提要

欽定四庫全書

玉芝堂談薈
提要

臣等謹案玉芝堂談薈三十六卷明徐應秋撰應秋字君義浙江西安人萬曆丙辰進士歷官福建左布政使是書亦考證之學而嗜博愛奇不免兼及瑣屑之事其例立一標題為綱而備引諸書以證之大抵採自小說稗記者多應秋自序有曰未及典謨垂世之經奇止輯史傳解頤之雋永名之談薈竊附說鈴其宗主固在于識小也然其摭摭既廣則兼收並蓄不主一途軼事舊聞往往而在故考證掌故訂正名物者亦錯出其間披沙揀金集腋成裘其博洽之功頗足以抵冗穢之過在讀者別擇之而已昔李昉修太平廣記陶宗儀輯說郛其中迂怪居多而皆以取材

宏富足資採擇遂流傳不廢應秋此編雖體
例與二書小別而大端相近至來集之之樵
書全仿應秋而作然有其蕪漫而博瞻則不
及故置彼取此焉乾隆四十三年六月恭校
上

總纂官臣紀昀臣陸錫熊臣孫士毅

總校官臣陸費墀

欽定四庫全書

玉芝堂談薈
提要

三

玉芝堂談薈原序

玉芝主人無他嗜好喜讀未見之書雅慕博綜樂稱布
有之事自知鉛槧日暱縹緲洎通籍于金閨暨服官於
銀艾青鏤頻握黃妳彌親游輟環周筭多收於秘本難
膏展誦目頗涉夫羣編譬觀龍宮海若之藏吁其駭矚
擬登玄圃層城之峻曠矣竒觀因嘆香莽千齡造物常
恣儉狡浩穰六合幻化莫可端倪舉尋常意想之所未
經多古今載籍之所已備惜學人少見而多怪致佳牒
似誕而疑誣用是自同脈望時問弘成衍濟之珠輒命
諭糜錄置茂先陟釐之紙于閭浮玉投石以收林邑飛
金望螢斯採既竭結鄰之潘宛萃吉光之表遇境探琛
將羊斟于九館涉川搜秘絕寶母于重淵同事則連類
以都膚互載亦綴芳於不律大都標神道之妖祥記山
川之靈怪表人事之卓異著物性之瑰竒金壺灑墨傾
說先于虞初鹿革開囊暢言泉于稷下照廡遍徵夫結
綠秦龍惟取於空青疑然犀以走百靈幾化齒而為五

欽定四庫全書

玉芝堂談薈
原序

一

色用供炙輶稍破拘虛未及典謨垂世之經奇止輯史
傳解頤之雋永名之談薈竊附說鈴赤虹化為黃玉識
緯故不廢于聖門金簡授自玄夷山海每多書乎異物恐
成駭俗聊代解嘲世有弘覽之通人堪佐雜俎之別種
云爾徐應秋序

欽定四庫全書

玉芝堂談薈
原序

二

欽定四庫全書

玉芝堂談薈卷一

帝王誕生瑞徵

明 徐應秋 撰

史傳中所記誕聖瑞徵偶錄其尤異者詩含神霧大跡
出雷澤華胥履之生宓犧拾遺記神母遊華胥之洲青
雲繞神母即覺有娠歷十二年而生庖犧帝王世紀女
登為少典妃有神人龍首感女登于尚羊生炎帝神農

欽定四庫全書

玉芝堂談薈
卷一

一

河圖握拒附寶之郊野大電光繞北斗樞星照于郊野
感附寶二十四月而生軒轅于壽丘紫氣充房春秋元
命苞大星如虹下流華渚女節意感生白帝朱宣少昊
氏河圖著命瑤光之星如虹貫月正白感女樞于幽房
之宮生黑帝顓頊春秋合誠圖堯母慶都生于斗維之
野天大雷電有血光潤大石之中生慶都年二十寄伊
長孺家有赤龍負圖與慶都婚孕十四月而生堯于丹
陵帝王世紀瞽瞍妻曰握登見大虹意感而生舜于姚

墟河圖注握登見大虹意感生黃帝謂舜以上王也修
已山行見流星貫昴又吞神珠薏苡胸拆而生禹于石
紐開山圖女狄于石紐山下泉中得月精如鷄子愛而
吞之孕十四月生夏禹宋符瑞志簡狄浴于玄丘之水
玄鳥銜卵而墜取覆以玉筐吞之遂孕胸剖而生契又
曰簡狄游于桑野黑鳥遺卵有五色文作八百字覆以
瑤筐朱紱夢神女曰生聖子以繼金德懷卵一年而孕
經十四年而生契河圖扶都見白氣貫月感生黑帝湯

欽定四庫全書

玉芝堂後卷一

二

又云感黑龍而成宋志漢高帝父曰劉執嘉執嘉之母
夢赤鳥若龍戲已而生執嘉母名含始曰昭靈后昭靈
后游于洛池有玉鷄銜赤珠刻曰玉英吞之又寢大澤
之陂與龍遇生漢高帝漢武內傳景帝見崇芳閣赤龍
盤棟又王夫人夢日入懷生武帝金樓子光武父欽為
濟陽令有赤光照室影如五麟七鳳而生光武中興書
晉元帝初誕有神光之異一室盡明所籍藁如刈宋符
瑞志宋武帝始生有神光照室魏道武母賀氏夢日出

室內寤見日光自牖屬天有感而生武帝魏孝文母李
夫人生帝于平城紫宮神光照于室內梁書梁武帝母
張氏忽見菖蒲生花光彩非常吞之產高祖隋紀隋高
祖生時紫氣充庭狀如樓閣色染人衣忽見頭上角出
偏體鱗起唐書唐高祖生時紫氣充庭神光照室太宗
在孕語聲達于外生時慶雲瀾湯數里上屬于天二龍
戲于門外水中三日乃冲天而去唐莊宗誕日紫氣出
於庭戶宋書宋太祖母杜氏夢日入懷而孕生洛陽夾

欽定四庫全書

玉芝堂後卷一

三

馬營赤光繞室胞如菡萏金色三日不變異香經宿不
散真宗生赤光照室左足指有文成天字仁宗降誕章
懿太后榻下生靈芝一本四十二葉應享國四十二年
之瑞母夢羽衣之士從空而下來為已子及生宮中火
光燭天英宗生赤光滿室或見黃龍游光中神宗生羣
鼠吐五色氣成雲孝宗母夢府君擁一赤羊來曰以此
為識生于秀州紅光滿室如日正中度宗母孕時女醫
治藥毒之見有金龍于上懼不敢煮皇明啟運錄我太

祖高皇帝母陳太后夢一朱衣神醜藥如丸奕奕有光吞之既覺異香襲體遂娠焉及誕生于盱眙之紅廟遠近見火光燭天隣近二郎廟夜徙一百二十步水次紅苔如線泛水如練丹彩可挹異香經宿不散若夢兆開先則漢薄后夢蒼龍據腹而生孝文晉李后夢兩龍枕膝日月入懷而生孝武漢王夢龍與日俱墮衣上而生英宗黃妃夢神人采衣以一龍納懷中而生度宗魏宣武高后夢日化龍繞身數匝而生文帝北齊神武婁后

欽定四庫全書

玉芝堂雜書

四

孕文襄則夢一斷龍孕文宣則夢大龍首尾屬天地孕孝昭則夢螭龍于地孕武成則夢龍入于海南齊陳后夢龍據屋上而生武帝孫堅母夢腸繞吳門而生孫堅北齊后主母胡氏夢于海上坐玉盆日入裙下遂生後主宋理宗父榮王夢紫衣金帽神人來謁而產理宗元太祖之十世祖勃端察爾母阿倫郭斡寡居夜夢白光自天窗中入化為金色神人趨卧榻有孕遂生勃端察爾遠聖宗皇后蕭氏夢金柱擎天后與隨從皆升久之

入宮又夢拂承天太后榻獲金雞吞之光澤勝常已而生興宗天地神人之主所關非細有開必先千古同符矣

揮塵錄開元十七年秋八月上降誕之日大置酒合樂宴百僚于花萼樓百官上表願以八月五日為千秋節誕日建節蓋肇于此天寶七載改為天長節其后肅宗以九月三日生為地平天成節文宗以十月十日生為慶成節武宗六月十二日生為慶陽節懿

欽定四庫全書

玉芝堂雜書

五

宗十月二日生為延慶節僖宗八月五日生為應天節昭宗二月二十二日生為嘉會節哀帝十月三日生為延和節梁太祖十月二十一日生為大明節末帝九月十二日生為明聖節後唐明宗九月九日生為應聖節晉高祖二月二十八日生為天和節出帝六月二十七日生為啟聖節後漢高祖二月四日生為聖壽節隱帝三月七日生為嘉慶節周太祖七月二十八日生為永壽節世宗九月二十四日生為天

清節恭帝八月四日生為天壽節宋太祖二月十六日生為長春節太宗十月七日生為乾明節後改為壽寧節真宗十二月二日生為承天節仁宗四月十四日生為乾元節英宗正月三日生為壽聖節神宗四月十日生為同天節昭宗十二月七日生避僖宗忌辰以次日為興龍節徽宗十月十日生為天寧節欽宗四月十三日生為乾龍節高宗五月二十一日生為天申節孝宗十月二十二日生為會慶節又唐代宗十月十

神聖降生日辰

正月一日元始天尊登九玄傳大帝君以太極金書天神地祇朝三清玉帝彌勒佛誕日純陽真人成仙二日寶聖佛生三日北斗翼聖真君降太白金星現四日重陽金真開化真君上昇玉晨大道君登玉霄宮四盼天下五日大慈佛生六日定光佛生七日北極玄天真武上帝午時下降太上老君乘白鹿張天師乘白鶴至成

都玉局治說北斗經玉牀自地而出八日南無華嚴眾意甘露苦王觀世音菩薩示現五殿閻羅王韓生九日玉皇大帝生南斗星君降現太真三元朝真十四日三官降十五日佑聖司命真君誕摩竭陀國佛舍利放光雨花金精山張靈源真人飛昇十九日北陰聖母降二十日南斗星君降二十三日嗣天師張衡陽平山白日飛昇二十七日北斗降二月初一日二殿秦廣王蕭誕初三日北斗降梓潼帝君誕初四日南斗六司真君降初五日辟支佛生北極天蓬都元帥生初七日南無七寶林中一十二面觀音示現南斗北斗西斗帝君降初八日釋迦佛生慶古佛生三殿閻王誕初九日東斗降南無光藏法王白衣妙德觀世音現初十日長生護真天尊降十三日中元葛真君生十五日三教宗師太上老君誕十八日四殿閻王誕十九日大慈大悲救苦救難觀世音誕二十一日普賢菩薩生二十三日保德真君生二十七日北斗降廿九日聖母元君降三月初

一日九里玉皇君詣波梨天奏九地學仙得道人名于
四天王又二殿楚江王曹生初二日玉皇誕初三日北
極玄天真武上帝誕南無唐西來僧大聖觀世音示現
初五日南斗天蓬下降初六日南無清淨海衆山月面
吉祥觀世音菩薩示現初八日八殿閻君變成王石誕
十三日南無天香山妙香觀世音菩薩示現十五日玉
晨道君登玉霄琳房四盼天下元始天尊游玉京元陽
觀會三界神仙真真聖說法十九日南斗星君降廿七

欽定四庫全書

玉皇聖蹟卷一

八

日七殿泰山王畢誕廿八日東嶽泰山誕四月初一日
南方七宿下降初二日太虛元君生初三日北斗北極
翼聖下降初四日文殊生初七日南斗北斗西斗降生
初八日釋迦佛生十五日呂純陽下生十八日碧霞元
君生廿一日普賢菩薩生南無廣月寺宮中千手千眼
觀世音菩薩示現廿八日藥王佛生五月初三日北極
下降南無天竺藏王慶信觀世音菩薩示現初四日孔
子誕十三日武安王生十七日南無晶日宮中八難觀

世音菩薩示現廿二日中明王生廿五日太平真君升
仙六月初四日南瞻部洲轉大法輪初七日瑤華帝君
生初十日金粟如來生十五日佛囉神生十六日南無
寶陀山大悲救苦救難觀世音菩薩示現十八日南無
西十洋海中慶一十二面觀世音菩薩示現十九日南
無清淨座主白衣滿願觀世音菩薩示現廿三日南無
清淨寶海慶音觀世音菩薩示現廿四日九天應元雷
聲普化天尊誕廿六日二郎神誕廿九日九華真妃降

欽定四庫全書

玉皇聖蹟卷一

九

七月十三日南無廣慶倖願觀世音菩薩示現大勢至
菩薩生十八日太真西王母誕生十九日力吉祥國聖
母化生賢劫千佛廿四日龍樹王生廿五日景佑真君
生三十日地藏王菩薩生八月初三日北斗降竈神誕
十七日太白長庚降十八日四海龍王神會之日廿一
日燃燈佛生廿六日南極老人降廿七日諸佛慶會東
海九月初一日太上老君于玉天瓊房金闕上宮校集
靈篇初三日九壘上皇君詣答起天陳奏九地得仙名

初九日北極真武玄天上帝成道於武當山十五日南
瞻部洲救度衆生十八日北斗星降十九日日月宮會
合諸天列宿上朝無始北斗大帝降廿三日南無華嚴
海衆觀世音菩薩示現廿五日長生大帝降三十日琉
璃光佛生十月初二日南無妙吉祥林中海月觀世音
菩薩誕初三日三茅真君誕初五日達摩祖師誕初八
日火德星君誕初十日西王母降十五日九江水府帝
君十五河源溪谷大神與陽谷神王水府靈官同降人

欽定四庫全書

玉皇聖典卷一

十

間定校人生善惡罪福十八日五百阿羅漢會廿七日
北極紫微星降十一月初一日葛仙翁受太上三天金
簡策書初三日太上玉高大道君登玉霄琳房四盼天
下初九日南斗東斗星降十一日太乙救苦天尊誕十
三日海空智藏天尊降十七日西方妙善阿彌陀佛生
十九日日光天子生諸天華嚴菩薩出世文殊菩薩出
世南無清涼寶山自在觀世音菩薩示現廿三日南斗
六司星君奏錄生籍之辰廿六日妙果天尊降十二月

初一日八仙聚會蓬萊之辰初三日北斗星降初四日
九壘玉皇君詣答起天奏仙名十二日玉晨道君登玉
霄琳房四顧天下十五日西斗星君降廿三日五嶽神
君下降人間廿五日玉皇下降廿八日老君化衆降伏
九十六種邪魔二十九日華嚴菩薩下生

帝王符命

帝王之興必有符命或告治平之徵或彰改王之應以
至正位坤靈崛起偏霸亦皆有異兆焉十八世紀蒼帝

欽定四庫全書

玉皇聖典卷一

十一

生而能書受河圖綠字大庭氏三辰增輝五鳳異色新
書黃帝時大震三日帝游洛水上見大魚天甚雨七日
魚流而得圖書龍魚河圖天授帝號黃龍負圖鱗甲光
耀從河出黃帝命侍臣寫以示天下河圖挺輔佐黃帝
持齋七日七夜天老皆從以迎河洛之書至翠瀉之泉
大鱸魚沂流至蘭葉朱文五色畢見沈白圖以授帝黃
帝錄黃帝坐玄扈洛水鳳皇銜圖至帝前以黃玉為押
尸子黃帝時長庚輝日五色山金鳴澤銅出尚書中候

帝堯修壇榮光塞河龍馬銜甲赤文綠色臨壇吐甲有
大言虞夏商周秦漢之事野王符瑞志黃帝東巡省河
過洛龍負圖出赤文綠字以授帝又黃帝時南蠻乘白
鹿來獻鬯春秋元命苞堯游河渚赤龍負圖論語識堯
率舜等游首山有五老游河因飛為流星上入昴運斗
樞舜與諸侯觀于河洛黃龍負圖瑞應圖堯坐河渚神
龍赤色負圖而至備載山澤河海之形國土分域虞舜
時黃龍從洛水出詣舜鱗甲成字舜與三公觀于河黃

龍五采負圖出舜前舜耕歷山得玉璽于河巖又漁于
雷澤得玉牌浮水其文曰受而禪惟汝彥帝王世紀舜
夢眉長與髮等道學傳禹北見六子獲玉璽之書以從
事受黑書于臨洮得綠字于濁水吳越春秋禹登衡山
夢赤綉文衣男子稱元衣蒼水使者謂禹曰欲得我山
書者齋于黃帝之嶽禹乃退齋三日登宛委發石得金
簡玉字之書尚書中候禹治洪水觀于河見白面長人
魚身出曰吾河精也授禹河圖而還于淵白孔六帖湯

觀洛有黃魚化為黑玉又有黑龜赤文成字有神牽白
狼銜鉤而入朝墨子赤烏銜珪降周之岐社瑞應圖赤
烏武王時銜穀至屋上兵不血刃而殷服武王伐紂牧
豎探高鳥之巢得玉璽文曰水德將滅木祚方盛文王
有赤雀銜書止于戶又有鳳凰銜書武王伐紂度孟津
白魚入舟腹下有赤文成字言紂可伐中候武王觀于
河沈璧禮畢青龍臨壇銜元甲之圖吐之而去宋書周

公攝政與成王觀于洛玄龜青龍蒼光止于壇背甲刻
書赤文成字周公援筆以世文寫之書成文消龜墮甲
而去漢高祖有五星聚井神母夜號以彰赤帝之符其
所居上有氣成龍文五彩金樓子孔子夜夢三槐之間
豐沛之邦有赤龍起呼顏回子夏往觀之見赤虹化為
黃金上有文曰卯金刀應高祖起豐沛塵談沛公始為
亭長夢遂一羊拔角尾皆落占曰羊無角尾王也晉元
帝時三雀共登一雄雞背三八安東廳占者以為當三
進爵為天子孝宣有太山大石起立上林枯柳生枝其

葉成文曰公孫病已立梁武帝為兒能蹈空而行時頂有浮光身映日無影所住齋常有氣五色回轉狀若盤龍季秋出九日臺暴風起烟塵所居獨紫氣騰起形如繖蓋唐高祖龍潛洛郊曾踐石靴迹見于石中又高陵縣有神堯先世莊田高祖襁褓時母置放柏樹之陰而往餉田比餉回日斜而樹影不移太宗舉義師日所居有紫雲居內天俄變為五色狀如飛龍宋武少臥酒家人見一物五采如蛟龍又行止時見二小龍附翼武德

末太宗平內難有龜游于蓮葉之上取之化為白石瑩潔如玉唐中宗廢居房陵仰天而嘆因拋一石于空中曰我後帝此石不落其石遂為樹枝晉掛齊高帝身上黃紫氣屬天北齊高歡夢履衆星而行南史齊世祖夢人從天飛下頭插筆來畫上衣兩邊陳書陳高祖夜夢天開數丈有四人朱衣捧日而至高祖開口納焉及覺腹中猶熱南齊書太祖夢乘青龍逐日西行世祖夢著桑屐行太極殿階陞上庾溫曰屐者運應木也桑字四

十二點世祖年過此即帝位又常夢鳳凰從天飛下齋前兩翅相去十餘丈翼下有紫雲氣冊府元龜唐肅宗初生含元殿則天子殿內造佛像及長閑觀其側玉像忽言爾後當為天子西陽雜俎肅宗為其王時寢齋壁上蝸迹成天字上懼遽掃之經數日如初玄宗臨潞州景龍二年廳上假寐宋大辨等同見赤龍據案中宗將祀南郊玄宗來京師使術士韓禮筮之一著子然獨立禮驚曰著立奇瑞非常之事也北夢瑣言唐僖宗幸蜀

張慈子神自廟出十餘里列仗迎駕白霧之中騎驄見其形因解劍佩賜之又後唐太祖善騎射曾于新城北酌酒于毘沙天王聖像請與交談天王被甲持矛隱隱出于壁間所居帳內時有火聚或有龍形後唐明宗微時隨蕃將巡邊宿于鴈門逆旅媼方娠帝至不時具食腹中兒語謂母曰天子至速具食聲聞於外懿宗初封鄆王郭淑妃見黃龍出入臥內釣磯立談義祖夢臨大水黃龍無數義祖袒身而入取一龍出未幾掠得烈祖

養以為子南唐近事烈祖晝寢夢一黃龍繞殿鱗甲灼然既寤使視前殿時元宗方為齊王凭檻而立遂正儲位郭祖微時與馮暉同里有道士善劊青因令刺之郭于項右刺作雀左作穀粟馮以臍作甕中作鴈數隻戒曰爾曹各于項臍自愛雀銜穀鴈出甕即亨顯之時也郭祖束屨之後雀穀相近登位之後雀遂銜穀馮秉旄鴈自甕中累累而出周太祖微時嘗晝寢有如小虺五色出入額鼻之間一夕在亭院齋忽有黃氣起于前繚繞而上遽際于天太祖于黃氣中仰見星文紫微文星爛然在目密告知星者曰坐見天衢物不能隔至貴之祥也又于署衙中有紫氣起于幡竿之上宋太祖微時夜臥內常有光如車輪內見黃龍若出波浪中出沒魚鼈之類不可勝數皆作金色光芒刺目宋神宗居濮邸一日晝憩便寢有紫氣自鼻中出盤旋如香篆剪勝野聞我太祖在滁濯手于栢子潭有五蛇擾而就之一日戰畢蛇在其側帝以兜鍪掩之及戰手刃甚衆軍法戰

畢必祭甲冑甫奠而霹靂大震白龍自兜鍪中騰空去諸將自此畏服西京雜記元后在家常有白燕銜白石大如指墜續篋中后取之石自剖其文曰母天地后乃合之遂復還合魏志甄皇后生每寢家中人髣髴見如有人持玉衣覆其上者晉成帝杜皇后長猶無齒帝納采之日一夜齒盡生五代史補齊高昭劉皇后生時赤光滿室寢臥見有羽蓋陰其上魏宣武靈皇后產時赤光四照永平中馬貴人夢小飛虫萬數隨著身入皮膚欽定四庫全書

理宗后又唐清泰帝晉高祖婦兄也明宗時為太原帥因擊毬同入趙襄子廟但見土偶避位而立五代史補楊行密常為河肥縣手力有過縣令將鞭之行密懼且拜有客自外入見行密每拜則廳之前簷皆扣地而令不覺客遽以所見告令遂恕之唐年譜王庭湊為留後墅西有飛龍山神庭湊往祭之見一人被衣冠折腰于庭及入廟神乃側坐北夢瑣言唐僖宗播遷蜀中蜀先王建為禁軍都頭與其儕于僧院擲骰子六隻次第相

欽定四庫全書

玉芝堂後集

卷一

重自公至六人共駭之

帝王瑞應

在昔龍馬負圖出于河而羲畫立神龜載書出于洛而禹疇敘騶牙見而遠方歸義野象來而廣南遂平驚驚鳴岐占舊邦之新命胸臆出土符江東之合王大蟬既兆土精赤鳥亦符火德國之將興必有禎祥其彰彰者也考諸書所記瑞應之物帝王德澤所感以類應之如天鹿者神靈之獸也五色光耀洞明王者道備則至周

印者神獸之名也星宿之變化王者德盛則至白虎者仁獸也一名騶牙虎而白色身縞如雪王者仁而不害則見孫柔之瑞應圖王者不暴虐及行葦則見一曰王者德至禽獸澤洞幽冥則見角端者日行萬八千里又曉四裔之語明君聖主在位明達方外幽遠之事則奉書而至神靈滋液百寶為用則白象至赤熊見王者自養有道則白象負不死藥來獻者幽隱之獸也有明王在位則來為時辟災除害銀鹿王者刑罰得中民不為非

欽定四庫全書

玉芝堂後集

卷一

則至芝英者王者親近耆老養之有道則生君乘木而王其政昇平則福草生王者德至于地則華平盛王者之德及草木則有蓬甫一名倚扇狀如蓬大枝葉小根根如絲轉而成風殺蠅有屈軼佞人入則指之有平露如葢其國不平則隨方而傾華平者其枝正平德剛則仰德弱則俯君乘金而王其政訟平芳桂常生君乘土而王其地太平蔓草紫脫常生王者有禮則歲穀生王者禮備則威香生有聖人之德則朱草生王者宗廟修

則巨鬯三鬯之禾生王者有德而天下平世樂之鳥見
三才得所三角之獸至孝至于幽遠比翼之鳥至鰥寡
無棄比肩之獸至道成則騶虞至獄訟平則獬豸至能
用人則龍馬至能致太平則黑狐至道純則白鹿至德
盛則赤兔至貴人賤馬而白馬朱鬣至德及幽隱而雙
魚白澤至妾媵有制白燕巢政惠不苛白虎至刑罰得
中銀麋馴律鍾和調玉羊見德達深淵則黃龍應氣而
游德至鳥獸白鳥下王者有盛德則金人游後池王者

欽定四庫全書

玉芝堂疏

子

至孝則金車出王者宴不及醉刑罰中人不為非則銀
甕出德至於山陵則出黑丹王者不貴難得之物則鷄
駭犀見神靈滋百寶用則璣鏡出王乘金而王則黃銀
見王者不藏金玉則黃銀紫玉見王者不隱過則璧流
離見水泉流通四海會同則玄圭出王者孝道行則延
禧出王者清明篤賢則玉馬出玉鷄王者至孝則至
五常並修則玉英見玉甕者不汲而滿王者清廉則出
然亦有不驗出不以時者魏文帝受禪郡國奏白虎二

十七見元帝即位鳳凰見郡國者五十餘處章帝末鳳
凰一百四十九見石虎即位郡國獻蒼麟十二以駕法
車為治平之應耶為衰亂之徵耶又肅宗上元二年延
英殿御坐梁上生玉芝一莖三花上製玉靈芝詩而是
歲玄宗肅宗俱崩代宗即位華州至陝西黃河清徹三
百餘里而是歲吐蕃犯京師大駕幸陝永泰二年六月
丁未日重輪其夕月重輪太廟二室芝草生十一月獲
赤兔而洛水泛溢大為民害災祥固無足憑矣

欽定四庫全書

玉芝堂疏

王

歷代世紀

黃帝元年丁巳至虞舜癸酉共四百九十七年夏禹元
年甲戌至帝桀五十二年甲午十一世共四百五十一
年商湯元年乙未至帝紂三十二年己卯二十八世六
百四十五年周武王元年己卯至赧王五十九年乙巳
三十六世共八百六十七年秦昭襄王乙巳至二世甲午共
五十年自乙未迄戊戌楚漢分爭天下無統者四年前
漢十二帝內呂氏八年王莽十八年後漢十二帝至曹

五之篡共四百二十七年魏五傳四十六年晉篡魏四傳五十二年東晉十一帝又一百四年劉宋八帝六十年齊蕭道成七帝二十四年梁蕭衍四帝五十九年陳霸先五主三十三年隋楊堅四帝三十九年唐二十帝內則天僭周十八年共二百八十九年後梁朱溫一代十七年後唐李存勗四帝十四年後晉石敬瑭二主共十一年後漢劉彧二世四年後周郭威三主共十年宋十八帝凡三百二十年遼九主二百十年金九主一百二十年

欽定四庫全書

玉芝堂集卷一

三

元世祖混一至順帝八十九年自黃帝元年丁巳至順帝三十六年戊申共四十六十九年陳眉公曰堯元年至萬曆元年癸酉計三千九百六十二年六十七甲子即位紀元

人君即位之一年稱元年舜典元日商訓元祀春秋元年皆言始也後世倡仁元之說改元稱號紛紛不一史記秦惠文王十四年丁酉更為元年汲冢竹書魏惠王有後元年漢文帝惑方士言以十七年戊寅亦改後元

年景帝因之八年壬辰改中元又六年戊戌改後元猶未以號紀年也武帝因事立號辛丑即位曰建元又六年丁未以長星見改元光又六年癸丑以六氣更始改元朔又六年己未郊得一角獸改元狩又六年乙丑獲寶鼎改元鼎又六年辛未東封改元封又六年丁丑行夏正改太初自征和而後復改後元是武帝亦厭改元矣歷代沿襲或五六年或三四年或一年再改一年三改四改漢哀帝以建平二年改太初元將見王莽傳光

欽定四庫全書

玉芝堂集卷一

三

武以建武三十二年改建武中元見續漢志而本紀削元將中元字豈亦有諱乎元魏唐朱以四字改元西夏又以六字改元魏恭帝周閔帝明帝唐肅宗即位祇稱元年似為復古未幾仍改年號訖無定見殊可哂也古者即位踰年改元雖哀帝繼瑒帝亦終延年而為永初成帝繼質帝亦終本初而為建始唐宣宗以叔繼侄亦終會昌而改大中惟劉禪孫亮石弘符生李嗣源李璟等不踰年而改元姑亡論而晉惠帝改武帝太熙為永熙欲長奉先帝之制